

韋蘇州世襲

韋應物長安京兆人

周道遙公愛之終行價生令儀令儀生鑿鑿生應

物其請言天寶時居從遊幸事疑為三衛永泰中

除豫州刺史永泰中除豫州刺史

除豫州刺史以疾辭不就建中三年由比部員外郎

出刺滁州改刺江州追起開改左司郎中貞元初

歷蘇州罷守寓蘇臺永定精舍

李肇國史補云開元後位卑而著名李北海

韋蘇州世覈

唐書蘇州世覈

蘇州世覈

蘇州世覈

蘇州世覈

韋應物長安京兆人

唐書應物長安京兆人

應物長安京兆人

周道遙公曼之後待價生令儀令儀生鑾鑾生應

物其詩言天寶時扈從遊幸事疑為三衛永泰中

任洛陽丞京兆府功曹大曆十四年自鄆縣令制

除櫟陽令以疾辭不就建中三年由比部員外郎

出刺滁州改刺江州追赴闕改左司郎中貞元初

歷蘇州罷守寓蘇臺永定精舍

李肇國史補云開元後位卑而著名李北海

邕王

韋蘇州世覈

江寧

昌齡

李館陶鄭廣文

虔

元魯山

德秀

蕭功曹

穎士

張

長史

旭

獨孤常州

及

崔比部

元翰

梁補闕

肅

韋蘇州

其一也應物仕宦本未似止於蘇按白傳蘇州答

劉禹錫詩云敢有文章替左司謂應物也官稱亦

如此

應物性高潔所在焚香掃地而坐惟顧况劉長卿

丘丹秦系皎然之儔得廁賓列與之酬唱樂天吳

郡詩石記獨書兵衛森畫戟燕寢凝清香劉太真

與韋書云顧著作來以足下郡齋燕集相示是何

情致暢茂道逸如此宋齊間沈謝何始精於理意

然緣情體物備詩人之旨後之傳者甚失其源惟

足下制其橫流師摯之始關雎之亂足下之文見

之矣

春美也要之心靈亂谷自姪土而不與世

樂天與元九書云近歲韋蘇州歌行才麗之外頗

近興諷其五言詩又高雅閑澹自成一家之體今

之秉筆者詎能及之然當蘇州在時人亦未甚愛

重必待身後然後貴之

以上計有功唐詩紀事

流翰矣蘇州

蘇州詩氣象清華詞端閑雅其源出於靖節而深

沉頓鬱又曹謝之變也唐人作古調雖各有門戶
要之律體方精彌多附寄而專業之流鮮矣蘇州
獨騁長轡大窺曩代而又去其拘孿補衲之病蓋
一大家也當時詞流穠郁感蕩成波其視蘇州淡
泊無文未淹高聽而大美玄味足配元英雖不足
以嬉春美物要之心靈跨俗自致上列不與濁世
爭長矣

徐貞憲先生
獻忠唐詩品

韋蘇州詩集目錄

卷之一

賦

水賦

五言古詩

擬古十二首

雜體五首

與友生野飲效陶體

效陶彭澤

大梁亭會李四栖梧作

賈常侍林亭燕集

移疾會詩客元生與釋子法朗因貽諸曹

慈恩伽藍清會 扈亭西陂燕賞

西郊燕集

春宵燕萬年吉少府中孚南館

滁州園池燕元氏親屬

郡樓春燕

南塘泛舟會元六昆季

郡齋雨中與諸文士燕集

奉同郎中使君郡齋雨宴集

軍中冬燕 司空主簿琴席

晦日處士叔園林燕集

與韓庫部會王祠曹宅

贈李儋 贈盧嵩

寄馮著

將往江淮寄李十九儋

寄盧庾

發廣陵留上家兄兼寄上長沙

初發揚子寄元校書

淮上卽事寄廣陵親故

經少林精舍寄都邑親友

城中臥疾知閻薛二子屢從邑令飲因以

贈之

聽嘉陵江水聲寄深上人

高陵書情寄三原盧少府

同長原歸南徐寄子西子烈有道

卷之二

五言古

同德精舍養疾寄河南兵曹東廳掾

同德寺雨後寄元侍御李博士

使雲陽寄府曹

過扶風精舍舊居簡朝宗巨川兄弟

贈馮著

對雨寄韓庫部

寄子西

對雪贈徐秀才

西郊遊宴寄贈邑僚李巽

休沐東還胄貴里示端

朝請後還邑寄諸友生

澧上西齋寄諸友獨遊西齋寄崔主簿

秋集罷還途中作謹獻壽春公黎公

閒居贈友

四禪精舍登覽悲舊寄朝宗巨川兄弟

善福閣對雨寄李儋幼遐

寺居獨夜寄崔主簿

九月澧上作寄崔主簿倬二李端繫

西郊養疾聞暢校書有新什見贈又行不

至先寄此詩

善福精舍示諸生

開元觀懷舊寄李二韓二裴四兼呈崔郎

中嚴家令

春日郊居寄萬年吉少府中孚三原少府

偉夏侯校書審

還闕首途寄精舍親友

秋夜南宮寄澧上弟及諸生

塗中書情寄澧上兩弟因送二甥

寄柳州韓司戶郎中榮因安二題

寄冷狐侍郎豈士榮又南土亦寄在土

園林晏起寄那應韓明府盧主簿公

寄大梁諸友審 新秋夜寄諸弟

郊園聞蟬寄諸弟吉寄中書劉舍人少秋

郡齋感秋寄諸弟

郡中對雨贈元錫兼簡湯凌四兼呈對

冬至夜寄京師諸弟兼懷崔都水對

元日寄諸弟兼呈崔都水對

寄職方劉郎中李

社日寄崔都水及諸弟羣屬李

寒食日寄諸弟李

三月三日寄諸弟兼懷崔都水

寄楊協律與郡齋贈王卿黃

簡恒璨示寄暢當山

京師叛亂寄諸弟示贈琮公

正寄恒璨示簡郡中諸生

卷之寄全椒山中道士

卷之三 全琳山中散士

五言古樂府

簡牘中前生

途中寄楊邈裴緒示褒子公士傳

示全真元常

寄題富河諸弟

因省風俗與從姪成緒遊山水中道先歸

寄示三月春南來兼劇筆山水

歲日寄京師諸季端武等

簡盧陟

發郡寄京師諸季淮南子弟

寄黃劉二尊師

贈丘員外

贈李判官

寄皎然上人

復理西齋寄丘員外

和張舍人夜直中書寄吏部

贈上方僧

送李十四山東遊

送闍黎赴東川辟

送馮著受李廣州署為錄事

喜於廣陵拜覲家兄奉送發還池州

餞雍聿之潞州謁李中丞

上東門會送李幼舉南遊徐方

送洛陽韓丞東遊 送鄭長源

送李儋 留別洛京親

天長寺上方別子西有道 幽宰恩賜

贈別河南李功曹 送李十四山東遊

宴別幼邀與君貺兄弟 吏陪

送宣州周錄事 員外

謝標陽令歸西郊贈別諸友生 入盧陟

送端東行 員外

始除尚書郎別善福精舍 奉獻谷陽吏

送郗詹事 員外 送蘇評事 員外 共有伊

送李侍御益赴幽州幕 員外 九月十日云

自尚書郎出為滁州刺史 員外 直書都懷那

送元錫楊凌下 送楊氏女

正送中弟 寄別李儋

卷之 送丘員外還山

重送丘二十二還臨平山 居京不調

送鄭端公弟移院常州 員外 寄謝

送陸侍御還越

送崔叔清遊越

卷之四

五言古

送豆盧策秀才

送劉評事

送雷監赴闕庭

酬盧嵩秋夜見寄五韻

酬鄭戶曹驪山感懷

酬李儋

酬元偉過洛陽夜燕

酬韓質舟行阻凍

李博士弟以余罷官居同德精舍共有伊

陸名山之期久而未去枉詩見問中云朱

生昔登覽末云那能顧蓬華直書鄙懷聊

以為答

答李博士賞

答劉西曹

答貢士黎逢

答韓庫部

答崔主簿倬

答徐秀才

答長寧令楊鞅

答馮魯秀才

荅崔主簿問兼簡温上人

清都觀荅幼選

善福精舍荅韓司錄清都觀會宴見憶

荅長安丞裴說 奉酬處士叔見示

荅庫部韓郎中 荅暢校書當

澧上精舍荅趙氏外生伉 草直書過對柳

荅端山 荅王郎中問中云宋

荅崔都水 荅裴丞說歸京獻

荅裴處士 荅楊奉禮

荅個奴重陽二甥 荅重陽

酬劉侍郎使君 荅令狐侍郎

酬張協律

奉和聖製重陽日賜宴

和吳舍人早春歸沐西亭言志

荅河南李士巽題香山寺

荅故人見諭 酬閻員外陟

長安遇馮著 廣陵遇孟九雲卿

卷之五

蘇州集 目錄 九
卷五言古

逢楊開府

有所思

暮相思

夏夜憶盧嵩

春中憶元二

吳興香懷素友子西

月晦憶去年與親友曲水遊讌

池上懷王卿

別日題立夏日憶京師諸弟

晚至園中憶諸弟崔都水

雨夜感懷

雲陽館懷谷口

憶澧上幽居

重陽登滁城樓憶前歲九日歸澧上赴崔
都水及諸弟燕集悽然懷舊
始夏南園思舊里

登蒲塘驛沿路見泉谷村墅忽想京師舊

居追懷昔年

經函谷關

經武功舊宅

往雲門郊居塗經迴流作

乘月過郊渡晚歸澧川

授衣還田里

春月觀省屬城始憇東西林精舍

自蒲塘驛廻駕經歷山水

山行積雨歸途始霽

傷逝 往富平傷懷

出還 冬夜

送終 除日

對芳樹 月夜

歎楊花 過昭國里故第

夏日 端居感懷

悲統扇 閑齋對雨

林園晚霽 秋夜二首

感夢 同德精舍舊居傷懷

悲故交 同德寺閣集

正張彭州前與緱氏馮少府各惠寄一篇多

卷之六 故未荅張已云沒因追哀敘事兼遠簡馮

生白

東林精舍見故殿中鄭侍御題詩追舊書

情涕泗橫集因寄呈閩澄州馮少府

睢陽感懷
廣德中洛陽作

感事
減鏡

歎白髮

卷之六

五言古

登高望洛城作
同德寺閣集眺

登樂遊廟作

登西南岡卜居遇雨尋竹浪至澧壩繫帶

數里清流茂樹雲物可賞

澧上與幼遐月夜登西岡翫花

臺上遲客樓中月夜

登重玄寺閣

遊龍門香山泉
龍門遊眺

洛都遊寓
再遊龍門懷舊侶

莊嚴精舍遊集

任鄠令羨陂遊眺
西郊遊矚

再遊西郊渡

月溪與幼遐君貺同遊白雲山

與幼選君貺兄弟同遊白家竹潭

秋夕西齋與僧神靜遊

觀田家夫刈菽園亭覽物

觀澧水漲送果陪王卿郎中遊南池

南園陪王卿遊矚遊西山門對誓卧

春遊南亭山泉再遊西山未眺

遊靈巖寺閣贈早博

與盧陟同遊未定寺北池僧齋澄孺榮帶

遊溪與陟同遊遊開元精舍

襄武館遊眺秋景詣瑯琊精舍

正慈恩精舍南池作雨夜宿清都觀

善福精舍秋夜送諸君

東郊秋郊作盧

行寬禪寺院神靜師院

精舍納涼贈張中丞藍嶺精舍

道晏寺主院義演法師西齋

澄秀寺坐院武東齋

至西峯蘭若受田婦饋

郊居言志

夏景端居即事

始至郡

郡中西齋

新理西齋

曉坐西齋

寓居未定精舍并序未定寺喜辟疆夜至

野居

餌黃精

樓中閱清管

寒食

七夕

秋夜合巹草堂

涂城對雪

雪中

對春雪

對新篁

對萱草

夏花明

對雜花

種藥

西澗種柳

種瓜

喜園中茶生

郡齋移杉

小煙際鐘

慈恩寺南池秋荷詠

卷之題石橋

山井叟

始聞夏蟬

鷓鴣

述園鹿

射雉

始建射侯

貴遊行

相逢行

廣陵行

張園行

采玉行

凌霧行

荅暢叅軍

卷之八

七言古體

蔡思詩南出林荷精

長安道

行路難

橫塘行

酒肆行

烏引雛

鷺奪巢

燕銜泥

鞞鼓行

古劍行

溫泉行

正學仙吟二首

王母歌

琴之萼綠華歌

馬明生遇神女歌

金谷園歌

石鼓歌

寶觀主白鸚鵡歌

彈碁歌

竈山神女歌

聽鶯曲

白沙亭逢吳叟歌

送褚校書歸舊山歌

驪山行

漢武帝雜歌三首

五弦行

夏冰歌

樓閣蠅拂歌

信州錄事參軍常魯古鼎歌

寇季膺古刀歌

贈孫微時赴雲中

雜言送黎六郎

對芳樽

難言注白鵲詩

易言

調嘯詞二首

不楚

卷之九

五言律

淮上喜會梁川故人

揚州偶會前洛陽盧耿主簿

月夜會徐十一草堂

假中對雨呈縣僚友

贈蕭河南

示從子河南尉班

趨府候曉呈兩縣僚友

早春對雪寄前殿中元侍御

寄洪州幕府盧二十二侍御

雪中聞李儋過門不訪聊以寄贈

對雨贈李主簿高秀才

冬夜宿司空野居因寄酬贈

贈崔員外

經無錫縣醉吟寄丘丹

貢院鎖宿聞員外使高麗贈送徐騎省

夜遇詩僧操公因贈

李五席送李主簿歸西臺

送宣城路錄事

送元倉曹歸廣陵

送張侍御秘書江左覲省

賦得鵲門送盧耿赴任

賦得浮雲起離色送鄭述誠

賦得暮雨送李胄

送黎六郎赴陽翟少府

送別覃孝廉

送槐廣落第歸揚州

送汾城王主簿

送顏司議使蜀訪圖書

奉送從兄宰晉陵圖書

送五經趙隨登科授廣德尉書主簿

送姚孫還河中尉

期盧嵩枉書稱日暮無馬不赴以詩答

任洛陽丞答前長安田少府問

酬豆盧倉曹題庫壁見示火林題

寄酬李博士來寧主簿叔廳見待

答史館張學士段柳庶子學士集賢院看

花見寄兼呈柳學士

奉和張大夫戲示靑山郎英武林樵刊

將發楚川經寶應縣訪李二忽於州館相

遇月夜書事因簡李寶應

淮上遇洛陽李主簿

路逢崔元二侍御避馬見招以詩戲贈

正對韓少尹所贈硯有懷

清明日憶諸弟

同李二過直友鄭子故第

至開化里壽春公故宅

夜對流螢作春公陪元侍御春遊

同韓郎中閑庭南望秋景

詠徐正字畫青蠅 陪王郎中尋孔微君

五言排律 兵部韻賦有謝

送崔押衙相州滸接無異卧以詩題韻

七言律詩 各題李王職

燕李錄事 奉因贈李贈王侍御

自鞏洛舟行人黃河即事寄府縣僚友

紫閣東林居士叔緘賜松英丸捧對忻喜

蓋非塵侶之所當服輒獻詩代啓

寓居澧土精舍寄于張二舍人史郎

寄荅秘書王丞 書懷寄顧處士

寄李儋元錫 不至書示

送章八元秀才擢第往上都應制

送常侍御却使西蕃 對士不至谷外韻二

假中在廬二十二書亦稱臥疾兼訝李二

正久不訪問以詩荅書因亦戲李二

卷之題龍潭

送宮人入道

卷之十

五言絕句

效何水部二首

同德閣期元侍御李博士不至各投贈二

首

西郊期滌武不至書示

澧上對月寄孔諫議

贈李儋侍御

重寄

效宮人入殿遊

效宮人入殿遊

效宮人入殿遊

效宮人入殿遊

效宮人入殿遊

效宮人入殿遊

效宮人入殿遊

效宮人入殿遊

效宮人入殿遊

覽褒子臥病一絕聊以題示

寄璨師

寄舊

雪竹寄褒子

偶入西齋院示釋子怕璨對古

秋夜寄丘二十二員外

贈丘員外

和李二王簿寄淮上綦母三

聽江笛送陸侍御

三

三

三

三

三

三

三

三

三

寄盧陟

宿耒陽寄璨律師

寒食外

贈舊識

送丘員外歸山居

卷之三
目録
三
答李泚三首并詩
答崔都水龜山岳

酬令狐司錄善福精舍見贈

答趙氏外生伉
答王卿送別

答賓客
懷瑯琊深標二釋子

善福寺閣
閨門懷古

登樓寄東子
寒食後北樓作

西樓
夜望

晚登郡閣
詠玉

詠水晶
詠珊瑚

詠瑠璃
詠虎珀

詠露珠
詠曉

詠夜
詠聲

卜野居書情
郡齋臥疾

同褒子秋齋獨宿
秋夜

六詠春雪二首
對殘燈

見紫荊花
翫螢火

移海榴
題桐葉

池上
西塞山

夜聞獨啼鳥

聞鴈山

送房杭州

皇臺

九日

六言絕句二首

三臺詞二首

七言絕句

與村老對飲

贈令狐士曹

縣內閑居贈溫公

將往滁城戀新竹簡崔都水示端

雪夜下朝呈省中

閑居寄諸弟

登樓寄王卿

寄諸弟

簡陟巡建三甥

寄劉尊師

寄廬山樓衣居士

寄黃尊師

賦得沙際路送從叔象

送倉部蕭員外院長存東林叢士

送王校書

送秦系赴潤州

酬柳郎中春日歸揚州南郭見別之作

荅令狐士曹獨孤兵曹聯騎暮歸望山見

寄會稽蕭員外別吳荅東林道士

荅端弟宗伯並外弟荅秦十四校書

荅鄭騎曹青橘

休暇日訪王侍御不遇會青京兩前集

因省風俗訪道士姪不見題壁

春思寄王卿登寶意寺上方舊遊

同越瑯琊山寄中尋簡寂觀瀑布

昭國里第聽元老師彈琴

野次聽元昌奏橫笛

九日

徐州西澗

聞子規

杜司空席上贈妓

突厥臺

閑居寄端及重陽

補遺

五言律

酬秦徵君徐少府春日見寄

送崔肅懿

五言絕

宿潭上三首

正言詩

蘇州集

寒風臺

閑居寄謝又重題

開子賦

公日

韋蘇州集目錄終

韋蘇州詩集卷之一

長安鄭

唐京兆韋應物著明如臯李之楨閱

賦

夏六月白呂當午火雲四至金石灼爍玄泉潛沸

雖深居廣廈珍簞輕箑而亦鬱鬱燠燠不能和平

其氣陳王於是登別館散幽情招親友以高會尊

仲宣為客卿睹頌冰之適至喜煩暑之暫清王乃

誇賓而歌曰含皎皎兮瓊玉姿氣淒淒兮奪天時

蘇州集

飲之瑩骨兮何所思可進於賓請客卿爲寡人美而賦之客諾曰美則美矣而大王不識其短夫謂之瓊玉竊名器也氣奪天時干陰陽也內熱飲之媒其疾也寵一物而三失德且出寒暑而至下薦宗廟而至高僕竊感之而歔歔安得不爲之而抽毫何積陰之勝純陽兮惟此玄冰居炎天之赫赫兮獨嚴厲乎稜稜其始也月玄冥日北陸天地閉水泉縮動靜一變剛柔反覆壯以烈風積如群玉由是依廣澶漫憑高崢嶸大寒御節萬動潛形浮

彩浩浩仰吞素靈群山早曙陰壑夜明古者祭之黑牡其藏以節菝之桃弧其出以潔今明明大魏禮物必備實大王罇俎之常品非小民造次之所致若尊卑異等頒命有度碎似墜瓊方如截璐况粉壁雲矗象筵霜布座有麗人皎然俱素雖衆賓之同輝諒爲物之難固其竊名假質以謬一時之賞也如此若乃對修竹臨方塘俾炎作寒兮反我天常嗟締綌之失御於三伏兮亦統扇委篋而內傷其嚴沍之威以干陰陽之候也如此若皎潔的

樂與時消釋、或沉珠於杯、或化璞於液、王將其飲
聊以自適、豈知乎一寒一溫、日夜相激、久之以生
疾、今內外不和、而怵惕其翫、意而媒疾也、如此觀
其劣、足以淒一室、利庖厨、俾其肥晚、敗醇釀、不渝
非可調湊理、安營魄、奈何以誇客、陳王於是絕然
而慙曰、寡人生於深宮、惜於服食、左右唯燕姬趙
女、侈服美色、微客卿之言、則何以雪余惑、方當命
有司而撤冰、書盤盃以自式、

五言古

對林擬古十二首

辭君遠行邁、飲此長恨端、已謂道里遠、如何中險
艱、流水赴大壑、孤雲還暮山、無情尚有歸、行子何
獨難、驅車背鄉國、朔風卷行迹、嚴冬霜斷肌、日入
不遑息、憂歡客髮變、寒暑人事易、中心君詎知、水
玉徒貞白、
黃鳥何關關、幽蘭亦靡靡、此時深閨婦、日照紗窓
裏、娟娟雙青娥、微微啟玉齒、自惜桃李年、誤身遊
俠子、無事久別離、不知今生死、

峨峨高山巔，澗澗青川流。世人不自悟，馳謝如驚
蠶。百金非所重，厚意良難得。肯酒親與朋，芳年樂
京國。京城繁華地，軒蓋凌晨出。垂楊十二衢，隱映
金張室。漢宮南北對，飛觀齊白日。游泳屬芳時，平
生自云畢。齊客愛變寒，各人事易中。以君請賦水
綺樓何氛氳，朝日正杲杲。四壁含清風，丹霞射其
牖。玉顏上哀嚙，絕耳非世有。但感離恨情，不知誰
家婦。孤雲忽無色，邊馬爲迴首。曲絕碧天高，餘聲
散秋草。徘徊帷中意，獨夜不堪守。思逐朔風翔，一

去千里道

嘉樹藹初綠，靡蕪吐幽芳。君子不在賞，寄之雲路
長。路長信難越，惜此芳時歇。孤鳥去不還，緘情向
天末。

月滿秋夜長，驚鳥號北林。天河橫未落，斗柄常西
南。寒蛩悲洞房，好鳥無遺音。商飈一夕至，獨宿懷
重衾。舊交目千里，隔我浮與沉。人生豈草木，寒暑
移此心。柔條有觀感，孤意千里容。草木吟頌始，相貴
酒星非所酌，月桂不爲食。虛薄空有名，爲君長歎

息蘭蕙雖可懷，芳香與時息。豈如凌霜葉，歲暮藹
顏色。折柔將有贈，延意千里客。草木知賤微，所貴
寒不易。

神州高爽地，遐瞰靡不通。寒月野無綠，寥寥天宇
空。陰陽不停馭，貞脆各有終。汾沮可鄙儉，考槃何
退窮。反志解牽跼，無爲尚勞躬。美人奪南國，一笑
開芙蓉。清鏡理容髮，褰簾出深重。艷曲呈皓齒，舞
羅不堪風。慊慊情有待，贈芳爲我容。可嗟青樓月，
流影君帷中。

春至林木變，洞房夕含清。巢居誰能裁，好鳥對我
鳴。良人久燕趙，新愛移平生。別時雙鴛綺，留此千
恨情。碧草生舊迹，綠琴歇芳聲。思將魂夢歡，反側
寐不成。攬衣迷所次，起望空前庭。孤影中自側，不
知雙涕零。

秋天無留景，萬物藏光輝。落葉隨風起，愁人獨何
依。華月屢圓缺，君還浩無期。如何雲雨絕，一去音
問違。

有客天一方，寄我孤桐琴。迢迢萬里隔，託此傳幽

音冰霜中自結龍鳳相與吟絃以明直道漆以固
交深

白日淇上沒空閨生遠愁寸心不可限淇水長悠
悠芳樹正妍鬱春禽自相求徘徊東西廂孤妾誰
與儔年華逐絲淚一落俱不收

雜體五首

沉沉匣中鏡爲此塵垢蝕輝光何所如月在雲中
黑南金旣雕錯鞶帶共輝飾空存鑿物明坐使妍
蚩惑美人竭肝膽思照冰玉色自非磨瑩工日日

空歎息

古宅集秋鳥群號枯樹枝黃昏窺人室鬼物相與
期居人不安寢搏擊思此時豈無鷹與鷂飽肉不
肯飛旣垂逐鳥節空養凌雲姿孤奉肉食恩何異
城上鴟啾因寶至公不許言長非昔燭照此數今
春羅雙鴛鴦出自寒夜女心精煙霧色指歷千萬
緒長安富貴家妖艷不可數裁此百日功惟將一
朝舞舞罷復裁新豈思勞者苦
同聲自相應體質不必齊誰知賈人鐸能使大樂

諧鏗鏘發宮徵和樂變其哀人神既昭享鳳鳥亦
下來豈非至賤物豈奏升天階物情苟有合莫問
玉與泥言貴矣成禮不百嫌茲此百目故非一
碌碌荆山璞古和獻君門荆璞非有求和氏非有
恩所獻知國寶至公不待言是非吾欲默此道今
豈存言貴矣成禮不百嫌茲此百目故非一

與友生野飲效陶體言貴矣成禮不百嫌茲此百目故非一
攜酒花林下前有千載墳於時不共酌柰此泉下
人始自玩芳物行當念徂春聊舒遠世蹤坐望還

山雲且遂一歡笑焉知賤與貧

效陶彭澤

霜露悴百草時菊獨妍華物性有如此寒暑其柰
何掇英泛濁醪日入會田家盡醉茅簷下一生豈
在多言貴矣成禮不百嫌茲此百目故非一

大梁亭會李四栖梧作

梁王昔愛才千古化不泯至今蓬池上遠集八方
賓車馬平明合城郭滿埃塵逢君一相許豈要平
生親入仕三十載如何獨未伸英聲久籍籍臺閣

皆、暨、將、發、宮、徵、和、樂、變、其、哀、人、神、既、招、享、鳳、鳥、亦

啟者本屆省議會初選舉日期業奉

省令定於七月一日即陰歷五月二十六日舉

行投票

務希隨帶此項傳單親至西廟投票所

投票為荷此致

仲冠雄君

吳江縣初選舉事務所啟

人始自玩芳物不當念往者取舍是世路生望還

泉下

山雲且遂一歡笑焉知賤與貧

效陶彭澤

霜露悴百草時菊獨妍華物性有如此寒暑其柰

何撥英泛濁醪日入會田家盡醉茅簷下一生豈

在多

大梁亭會李四栖梧作

梁王昔愛才千古化不泯至今蓬池上遠集八方

賓車馬平明合城郭滿埃塵逢君一相許豈要平

生親入仕三十載如何獨未伸英聲入籍籍臺閣

多故人置酒發清彈。相與樂佳辰。孤亭得長望。白日正廣津。富貴良可取。竭來西入秦。秋風旦夕起。安得客梁陳。千古外不知。至今盡出上。表集八六

賈常侍林亭燕集詩

高賢侍天階。跡顯心獨幽。朱軒驚關右。池館在東周。繚繞接都城。氤氳望嵩丘。群公盡詞客。方駕永日遊。朝旦氣候佳。逍遙寫煩憂。綠林靄已布。華沼澹不流。凌露摘幽草。涉煙翫輕舟。圓荷既出水。廣廈可淹留。放神遺所拘。觥罰屢見酬。樂燕良未極。

安知有沉浮。醉罷各云散。何當復相求。

移疾會詩客。元生與釋子。法朗因貽諸。同曹

對此嘉樹林。獨有戚戚顏。抱瘵知曠職。淹旬非樂閑。釋子來問訊。詩人亦扣關。道同意暫遣。客散疾徐還。園徑自幽靜。玄蟬噪其間。高窓瞰遠郊。暮色起秋山。英曹幸休暇。恨恨當是心所攀。恨恨

慈恩伽藍清會

素友俱薄世。屢招清景賞。鳴鐘悟音聞。宿昔心已往。重門相洞達。高宇亦遐朗。嵐嶺曉城分。清陰夏

條長氤氳當是芳臺馥蕭散竹池廣平荷隨波泛
迴颺激林響蔬食遵道侶泊懷遺滯想何彼塵昏
人區區在天壤。

扈亭西陂燕賞

杲杲朝陽時悠悠清陂望嘉樹始氤氳春遊方浩
蕩况逢文翰侶愛此孤舟漾綠野際遙波橫雲分
疊嶂公堂日爲倦幽襟自茲曠有酒今滿盈願君
盡弘量

西郊燕集

濟濟衆君子高宴及時光群山靄遐矚綠野布熙
陽列坐遵曲岸披襟襲蘭芳野庖薦嘉魚激澗泛
羽觴衆鳥鳴茂林綠草延高岡盛時易徂謝浩思
坐飄颺眷言同心友茲遊安可忘

春宵燕萬年吉少府中孚南館

始見斗柄迴復茲霜月霽河漢上縱橫春城夜迢
遞賓筵接時彥樂燕凌芳歲稍愛清觴滿仰歎高
文麗欲去返郊扉端爲一歡滯

日暮滁州園池燕元氏親屬

日暮遊清池。踈林羅高天。餘綠飄霜露。夕氣變風煙。
水門架危閣。竹亭列廣筵。一展私姻禮。屢欸芳罇。
前感往在茲。會傷離屬頽。年明晨復云去。且願此留連。

郡樓春燕

衆樂雜軍鞞。高樓邀上客。思逐花光亂。賞餘山景夕。
爲郡訪凋瘵。守程難損益。聊假一杯歡。暫忘終日迫。

南塘泛舟會元六昆季

端居倦時燠。輕舟泛迴塘。微風飄襟散。橫吹繞林長。
雲澹水容夕。雨微荷氣涼。一寫惰勤意。寧用訴華觴。

郡齋雨中與諸文士燕集

兵衛森畫戟。燕寢凝清香。海上風雨至。逍遙池閣涼。
煩痾近消散。賓客復滿堂。自慙居處崇。未覩斯民康。
理會是非遣。性達形迹忘。鮮肥屬時禁。蔬果幸見嘗。
俯飲一杯酒。仰聆金玉章。神歡體自輕。意欲凌風翔。
吳中盛文史。群彥今汪洋。方知大藩地。

豈曰財賦彊中。益文史籍。考今古。詩文賦。大蓄此。
奉同郎中使君郡齋雨中宴集。題郡齋。陳意。
好鳥依嘉樹。飛雨灑高城。况與數君子。列座分兩。
楹。文雅一何麗。林堂含餘清。我公未歸朝。遊子不。
待晴。白雲帝鄉遠。滄江楓葉鳴。拜手欲無言。零淚。
如酒傾。寸心已摧折。別離方骨驚。安得凌風翰。肅。
肅賓天京。

軍中冬燕。兩浙。蘇。京。一。意。前。博。意。寧。用。指。
滄海已云晏。皇恩猶念勤。式燕徧恒秩。柔遠及斯。

人茲邦實大。藩伐鼓軍樂。陳是時冬服成。戎士氣。
益振。虎竹謬朝寄。英賢降上賓。旋罄周旋禮。愧無。
海陸珍。庭中九劔闌。堂上歌吹新。光景不知晚。觥。
酌豈言頻。單醪昔所感。大噉况同忻。顧謂軍中士。
仰荅何由申。

司空主簿琴席

煙華方散薄。蕙氣猶含露。澹景發清琴。幽期默玄。
悟。留連白雪意。斷續迴風度。掩抑雖已終。忡忡在。

幽素

晦日處士叔園林燕集

遽看萸葉盡，坐闕芳年賞。賴此林下期，清風滌煩
想。始萌動新照，佳禽發幽響。嵐嶺對高齋，春流灌
蔬壤。樽酒遺形迹，道言屢開獎。幸蒙終夕歡，聊用
稅歸鞅。

與韓庫部會王祠曹宅

閑門蔭堤柳，秋渠含夕清。微風送荷氣，坐客散塵
纓。守默共無恡，抱冲俱寡營。良時頗高會，琴醞共
開情。

贈李儋

絲桐本異質，音響合自然。吾觀造化意，二物相因
緣。誤觸龍鳳嘯，靜聞寒夜泉。心神自安宅，煩慮頓
可捐。何因知久要，絲白漆亦堅。

贈盧嵩

百川注東海，東海無虛盈。泥滓不能濁，澄波非益
清。恬然自安流，日照萬里晴。雲物不隱象，三山共
分明。柰何疾風怒，忽若基柱傾。海水雖無心，洪濤
亦相驚。怒號在倏忽，誰識變化情。

春雷起萌蟄，土塊日已踈。胡能遭盛明，才俊伏里
間。偃仰遂真性，所求唯斗儲。披衣出茅屋，盥漱臨
清渠。吾道亦自適，退身保玄虛。幸無職事牽，且覽
案上書。親友各馳騫，誰當訪敝廬。思君在何夕，明
月照廣除。

將往江淮寄李十九儋
燕燕東向來，文鵠亦西飛。如何不相見，羽翼有高
卑。徘徊到河洛，華屋未及窺。秋風飄我行，遠與淮

海期。回首隔煙霧，遙遙兩相思。陽春自當返，短翮
欲追隨。

寄盧庾

悠悠遠離別，分此歡會難。如何兩相近，反使心不
安。亂髮思一櫛，垢衣思一浣。豈如望友生，對酒起
長歎。時節異京洛，孟冬天未寒。廣陵多車馬，日夕
自遊盤。獨我何耿耿，非君誰爲歡。

發廣陵留上家兄兼寄上長沙
將違安可懷，宿戀復一方。家貧無舊業，薄宦各飄

颺執板身有屬。淹時心恐惶。拜言不得留。聲結淚
滿裳。漾漾動行舫。亭亭遠相望。離晨苦須臾。獨往
道路長。蕭條風雨過。得此海氣涼。感秋意已違。况
自結中腸。推道固當遣。及情豈所忘。何時共還歸。
舉翼鳴春陽。
初發揚子寄元校書
悽悽去親愛。泛泛入煙霧。歸棹洛陽人。殘鐘廣陵
樹。今朝此爲別。何處還相遇。世事波上舟。公涸安
得住。

淮上卽事寄廣陵親故
前舟已渺渺。欲度誰相待。秋山起暮鐘。楚雨連滄
海。風波離思滿。宿昔容鬢改。獨鳥下東南。廣陵何
處在。

經少林精舍寄都邑親友
息駕依松嶺。高閣一攀緣。前瞻路已窮。旣詣喜更
延。出巘聽萬籟。入林濯幽泉。鳴鐘生道心。暮磬空
雲煙。獨往雖暫適。多累終見牽。方思結茅地。歸息
期暮年。

城中臥疾知閻薛二子屢從邑令飲因以贈
 之
 車馬日蕭蕭胡不枉我廬方來從令飲臥病獨何
 如秋風起漢皋開戶望平蕪卽此稀音素焉知中
 密踈渴者不思火寒者不求水人生羈寓時去就
 當如此猶希心異跡眷眷存終始

聽嘉陵江水聲寄深上人

鑿崖泄奔湍稱古神禹跡夜喧山門店獨宿不安
 席水性自云靜石中本無聲如何兩相激雷轉空

山驚貽之道門舊了此物我情

高陵書情寄三原盧少府

直方難爲進守此微賤班開卷不及顧沉埋案牘
 間兵凶火相踐徃賦豈得閒促戚下可哀寬政身
 致患日夕思自退出門望故山君心儻如此携手
 相與還

同長源歸南徐寄子西子烈有道

東洛何蕭條相思邈遐路策駕復誰遊入門無與
 晤還因送歸客達此緘中素屢睽心所歡豈得顏

如故所歡不可睽。嚴霜晨淒淒。如彼萬里行。孤妾
守空閨。臨觴一長歎。素欲欲宜何時諧。人門無與

韋蘇州詩集卷之二終

韋蘇州詩集卷之二

五言古

同德精舍養疾寄河南兵曹東廳掾

逍遙東城隅。雙樹寒葱蒨。廣庭流華月。高閣凝餘
霰。杜門非養素。抱疾阻良讌。孰謂無他人。思君歲
云變。官曹亮先忝。陳躅慙俊彥。豈知晨與夜。相代
不相見。緘書問所如。酬藻當芬綯。

同德寺雨後寄元侍御李博士

川上風雨來。湏臾滿城闕。岩峩青蓮界。蕭條孤興

發前山遽已淨。陰靄夜來歇。喬木生夏涼。流雲吐華月。嚴城自有限。一水非難越。相望曙河遠。高齋坐超忽。

使雲陽寄府曹

夙駕祗府命。冒炎不遑息。百里次雲陽。閭閻問漂溺。上天屢憊氣。胡不均寸澤。仰瞻喬樹顛。見此洪流跡。良苗免湮沒。蔓草生宿昔。頽墉滿故墟。返喜將安宅。周旋涉塗潦。側峭緣溝脉。仁賢憂斯民。賤子甘所役。公堂衆君子。言笑思與覲。

過扶風精舍舊居簡朝宗巨川兄弟

佛刹出高樹。晨光閭井中。年深念陳跡。追此獨忡忡。零落逢故老。寂寥悲草虫。舊宇多改構。幽篁延本叢。栖止事如昨。芳時去已空。佳人亦携手。再往今不同。新文聊感舊。想子意無窮。

贈馮著

契闊仕兩京。念子亦飄蓬。方來屬追往。十載事不同。歲晏乃云至。微褐還未充。悽悽遊子情。風雪自關東。華觴發懽顏。嘉藻播清風。始此盈抱恨。曠然

蘇州集 卷之二
一夕中。善蘊豈輕售。懷才希國工。誰當念素士。零
落歲華空。云至。對雨寄韓庫部協。來風出。十。燭事不
颺至池館。涼靄然和曉。霧蕭條集新荷。氛氳散高
樹。閑居興方淡。默想心已屢。暫出仍濕衣。况君東
城住。蘇州集 卷之二

寄子西

夏景已難度。懷賢思方續。喬樹落踈陰。微風散煩
燠。傷離在芳札。忻遂見心曲。藍上舍已成。田家雨

新足託鄰素。多欲殘。秩猶見東日夕。上高齋。但望
東原綠。

對雪贈徐秀才

靡靡寒欲收。靄靄陰還結。晨起望南端。千林散春
雪。妍光屬瑤階。亂緒陵新節。無爲掩扉臥。獨守袁

生轍

西郊遊宴寄贈邑僚李巽

升陽暖春物。置酒臨芳席。高宴闕英僚。衆賓寡歡
懌。是時尚多壘。板築興頽壁。羈旅念越疆。領徒方

堯翫月愛佳夕。望山屬清朝。俯砌視歸翼。開衿納
遠颺。等陶辭小秩。効朱方負樵。閒遊忽無累。心跡
隨景超。明世重才彥。雨露降丹霄。群公正雲集。獨
予欣寂寥。國閤寒蕭蕭。公器豈辭幽。青史茲書之。未
敢素獨遊。西齋寄崔主簿。出京無對言。并念限以
同心。忽已別昨事。方成昔。幽。逕。還。獨。尋。綠。苔。見。行
跡。秋。齋。正。蕭。散。煙。水。易。昏。夕。憂。來。結。幾。重。非。君。不
可釋。

秋集罷還途中作謹獻壽春公黎公

束帶自衡門。奉命宰王畿。君侯枉高鑒。舉善掩瑕
疵。斯民本已安。工拙兩無施。何以酬明德。歲晏不
磷緇。時節乃來集。欣懷方載馳。平明大府開。一得
拜光輝。溫如春風至。肅若嚴霜威。群屬所載瞻。而
忘倦與饑。公堂燕華筵。禮罷復言辭。將從平門道。
憇車澧水湄。山川降嘉歲。草木蒙潤滋。孰云還本
邑。懷戀獨遲遲。良前封門無請請。表茲故事皆精
粲。故。閒。居。贈。友。韻。秋。集。罷。還。途。中。作。謹。獻。壽。春。公。黎。公。五
補吏多不遷。罷歸聊自度。園廬既蕪沒。煙景空澹

泊閑居養痾瘵守素其葵藿顏髮日衰耗冠帶亦
寥落青苔已生路綠筠始分籜夕氣下遙陰微風
動疎薄草玄良見誚柱門無請託非君好事者誰
來顧寂寞歐山出劉嘉草木榮開茲張云發本
式外四禪精舍登覽悲舊寄朝宗巨川兄弟門前
蕭散人事憂迢遞古原行春風日已暄百草亦復
生躋閣謁金像攀雲造禪扃新景林際曙雜花川
上明徂歲方緬邈陳事尚縱橫溫泉有佳氣馳道
指京城携手思故日山河留恨情存者邈難見去
者已冥冥臨風一長慟誰畏行路驚

善福閣對雨寄李儋幼遐

飛閣凌太虛晨躋鬱崢嶸驚飈觸懸檻白雲冒層
薨大陰布其地密雨垂八紘仰觀固不測俯視但
冥冥感此窮秋氣沉鬱命友生及時策高步羈旅
遊帝京聖朝無隱才品物俱昭形國士秉繩墨何
以表堅貞寸心東北馳思與一會并我車夙已駕
將逐晨風征郊塗住成淹默默阻中情曼調每更
幽人寺居獨夜寄崔主簿寒雨灑灑更欲盡更

幽人寂不寐。木葉紛紛落。寒雨暗深更。流螢度高閣。坐使青燈曉。還傷夏衣薄。寧知歲方晏。離居更蕭索。
九日澧上作寄崔主簿倬。李端繫。凄淒感時節。望望臨澧涘。翠嶺明華秋。高天澄遙滓。川寒流愈迅。霜交物初委。林葉索已空。晨禽迎颺起。時菊乃盈泛。濁醪自爲美。良遊雖可娛。殷念在之子。人生不自省。營欲無終已。孰能同一酌。陶然冥斯理。

西郊養疾聞暢校書有新什見贈以佇不至先寄此詩

養病愜清夏。郊園敷卉木。窓夕含澗涼。雨餘愛筠綠。披懷始高詠。對琴轉幽獨。仰子遊群英。吐詞如蘭馥。還聞在嘉藻。佇望延昏旭。唯見草青青。閉門澧水曲。

澧上寄幼遐

寂寞到城闕。惆悵返柴荆。端居無所爲。念子遠徂征。夏晝人已息。我懷獨未寧。忽從東齋起。兀兀尋

澗行崑崙叢榛密披翫孤花明曠然西南望一極
山水情周覽同遊處逾恨阻音形壯圖非旦夕君
子勤令名勿復久留燕蹉跎在北京

善福精舍示諸生

湛湛嘉樹陰清露夜景沉悄然群物寂高閣似陰
岑方以玄默處豈爲名跡侵法妙不知歸獨此抱
冲襟齋舍無餘物陶器與罍餗諸生時列坐共愛
風滿林

晚出澧上贈崔都水

臨流一舒嘯望山意轉延隔林分落景餘霞明遠
川首起趣東作已看耘夏田一從民里居歲月再
徂遷昧質得全性世名良自牽行欣携手歸聊復
飲酒眠

開元觀懷舊寄李二韓二裴四兼呈崔郎中

嚴家令

宿昔清都燕分散各西東車馬行跡在霜雪竹林
空方軫故物念誰復一尊同聊披道書暇還此聽

松風

春日松風散
卷之二

春日郊居寄萬年吉少府中孚三原少府偉
夏侯校書審

谷鳥時一轉，田園春雨餘。光風動林早，高窓照日初。獨飲澗中水，吟詠老氏書。城闕應多事，誰憶此閒居。

還闕首途寄精舍親友

休沐日云滿，冲然將罷觀。嚴車候門側，晨起正朝冠。山澤含餘雨，川澗注驚湍。攬轡遵東路，回首一長嘆。居人已不見，高閣在林端。

秋夜南宮書禮上弟及諸生

暝色起煙閣，沉抱積離憂。况茲風雨夜，蕭條梧葉秋。空宇感涼至，頽顏驚歲周。日夕遊闕下，山水憶同遊。

塗中書情寄澧上兩弟因送二甥

華簪豈足戀，幽林徒自違。遙知別後意，寂寞掩郊扉。回首昆池上，更羨爾同歸。

寄柳州韓司戶郎中

達識與昧機，智殊跡同靜。於焉得携手，屢賞清夜

景蕭灑陪高詠，從容羨華省。一逐風波遷，南登桂陽嶺。舊里門空掩，歡遊事皆屏。悵望城闕遙，幽居時序永。春風吹百卉，和照變間井。獨悶終日眠，篇書不復省。唯當望雨露，志子荒遐境。

寄令狐侍郎

三山有瓊樹，霜雪色逾新。始自風塵交，中結綢繆姻。西掖方掌誥，南宮復司春。夕燕華池月，朝奉玉階塵。衆寶歸和氏，吹噓多俊人。群公共然諾，聲問迥時倫。孤鴻旣高舉，燕雀在荆榛。翔集且不同，豈

不欲殷勤。一旦遷南郡，江湖渺無垠。寵辱良未定，君子豈緇磷。寒暑已推斥，別離生苦辛。非將會面日，書札何由申。

園林晏起寄昭應韓明府盧主簿

田家已耕作，井屋起晨煙。園林鳴好鳥，閒居猶獨眠。不覺朝已晏，起來望青天。四體一舒散，情性亦忻然。還復茅簷下，對酒思數賢。束帶理官府，簡牘盈目前。當念中林賞，覽物遍山川。上非遇明世，庶以道自全。

寄大梁諸友

分竹守南譙，弭節過梁池。雄都衆君子，出餞灑河湄。燕譙始云洽，方舟已解維。一爲風水便，但見出川馳。昨日次睢陽，今夕宿符離。雲樹愴重疊，煙波念還期。相敦在勤事，海內方勞師。

新秋夜寄諸弟

兩地俱秋夕，相望共星河。高梧一葉下，空齋歸思多。方用憂人瘼，况自抱微痾。無將別來近，顏髮已蹉跎。

郊園聞蟬寄諸弟

去歲郊園別，聞蟬在蘭省。今歲臥南譙，蟬鳴歸路永。夕響依山郭，餘悲散秋景。緘書報此時，此心方耿耿。

寄中書劉舍人

雲霄路竟別，中年跡暫同。比翼趨丹陛，連騎下南宮。佳詠邀清月，幽賞滯芳藜。迨予一出守，與子限西東。晨露方蒼蒼，離抱更冲冲。忽覩九天詔，秉綸歸國工。玉座淨香氣，秋襟散涼風。應向橫門度，環

珮杳玲瓏光輝恨未矚歸思坐難通蒼蒼松桂姿
想在掖垣中
郡齋感秋寄諸弟
首夏辭舊國窮秋臥滌城方知昨日別忽覺徂歲
驚高閣收煙霧池水晚澄清戶牖已凄爽晨夜感
深情昔遊郎署間是月天氣晴授衣還西郊曉露
田中行采菊投酒中昆弟自同傾簪組聊掛壁焉
知有世榮一旦居遠郡山川間音形大道庶無累
及茲念已盈

郡中對雨贈元錫兼簡陽凌
宿雨冒空山空城響秋葉沉沉暮色至淒淒涼氣
入蕭條林表散的磔荷上集夜霧着衣重新苔侵
履濕遇茲端憂日賴與嘉賓接

冬至夜寄京師諸弟兼懷崔都水
理郡無異政所憂在素飡徒令去京國羈旅當歲
寒子月生一氣陽景極南端已懷時節感更抱別
離酸私燕席云罷還齋夜方闌遽幕沉空宇孤燭
照牀單應回茲夕念寧忘故歲歡川塗恍悠邈涕

下林闌干。回茲之念。寧亦對。蕙燭。川金。泚泚。戲。戲。
鱗。鱗。元日寄諸弟兼呈崔都水。慕。慕。空宇。雁。雁。
一從守茲郡。兩鬢生素髮。新正加我年。故歲去超
忽。淮濱異時候。了似仲秋月。川谷風景溫。城池草
木發。高齋屬多暇。惆悵臨芳物。日月昧還期。念君
何時歇。

寄職方劉郎中

相聞二十載。不得展平生。一夕南宮遇。聊用寫中
情。端服光朝次。群列慕英聲。歸來坐粉闥。揮筆乃

縱橫。始陪文翰遊。歡燕難以并。予因謬忝出。君爲
沉疾嬰。別離寒暑過。荏苒春草生。故園茲日隔。新
禽池上鳴。郡中永無事。歸思徒自盈。

社日寄崔都水及諸弟群屬

山郡多暇日。社時放吏歸。坐閣獨成悶。行塘閱清
輝。春風動高柳。芳園掩夕扉。遙思里中會。心緒悵
微微。

寒食日寄諸弟

禁火。燠佳辰。念離獨傷抱。見此野田。花心思杜陵。

道聯騎定何時予今顏已老

三月三日寄諸弟兼懷崔都水

暮節看已謝茲晨愈可惜風澹意傷春池寒花歛
夕對酒始依依懷人還的的誰當曲水行相思尋
舊跡

寄楊協律

吏散門閣掩鳥鳴山郡中遠念長江別俯覺座隅
空舟泊南池雨簟卷北樓風併罷芳樽燕為愴昨
時同

郡齋贈王卿

無術謬稱簡素食空自嗟秋齋雨成滯山藥寒始
華濩落人皆笑幽獨歲逾賒惟君出塵意賞愛似
山家

簡恒璨

室虛多涼氣天高屬秋時空庭夜風雨草木曉離
披簡書日云曠文墨誰復持聊因遇澄靜一與道
人期

寄暢當

寇賊起東山，英俊方未閑。聞君新應募，籍籍動京關。
出身文翰場，高步不可攀。青袍未及解，白羽插腰間。
昔爲瓊樹枝，今有風霜顏。秋郊細柳道，走馬一夕還。
丈夫當爲國，破敵如摧山。何必事州府，坐使鬢毛斑。

京師叛亂寄諸弟

弱冠遭世難，二紀猶未平。羈離官遠郡，虎豹滿西京。
上懷犬馬戀，下有骨肉情。歸去在何時，流淚忽沾纓。
憂來上北樓，左右但軍營。函谷行人絕，淮南

春草生，烏鳴野田間。思憶故園行，何當四海晏。其
與齊民耕。

贈琮公

山僧一相訪，吏案正盈前。出處似殊致，喧靜兩皆
禪。莫春華池宴，清夜高齋眠。世道本無得，寧復有
忘筌。

寄恒璨

心絕去來緣，跡順人間事。獨尋秋草徑，夜宿寒山
寺。今日郡齋閑，思問楞伽字。

韋蘇州詩集卷之二
簡郡中諸生
守郡臥秋閣，四面盡荒山。此時聽夜雨，孤燈照窓
間。藥園日蕪漫，書帷長自閒。唯當上客至，談詩一
解顏。

寄全椒山中道士
今朝郡齋冷，忽念山中客。澗底束荆薪，歸來煮白
石。欲持一瓢酒，遠慰風雨夕。落葉滿空山，何處尋
行跡。

韋蘇州詩集卷之二終
韋蘇州詩集卷之三

五言古
途中寄楊邈裴緒示裊子并尚山水石
上宰領淮右，下國屬星馳。霧野騰曉騎，霜竿裂凍
旗。蕭蕭陟連岡，莽莽望空陂。風截鴈嘹唳，雪慘樹
參差。高齋明月夜，中庭松桂姿。當睽一酌恨，況此
兩旬期。

示全真元常
余辭郡符去爾為外事，牽寧知風雪夜復此對牀。

眠始話南池。飲更詠四樓。篇無將。一會易。歲月坐
推遷。示全真。示常。因省風俗與從姪成緒遊山水中道先歸寄
累宵同燕酌。十舍携征騎。始造雙林寂。遐搜洞府
秘。群峰繞盤鬱。懸泉仰特異。陰壑雲松埋。陽崖煙
花媚。每慮觀省。牽中垂遊踐。志我尚山水。行子歸
棲息地。一操臨流袂。上聳于雲轡。獨住倦危途。懷
冲寡幽致。賴爾還都期。方將登樓遲。

歲日寄京師諸季端武等。獻歲抱深惻。僑居念歸緣。常患親愛離。始覺世務
牽。少事河陽府。晚守淮南壩。平生幾會散。已及蹉
跎年。昨日罷符竹。家貧遂留連。部曲多已去。車馬
不復全。閑將酒爲偶。默以道自詮。聽訟南嶺寺。見
月西澗泉。爲政無異術。當責豈望遷。終理來時裝。
歸鑿杜陵田。事示盧陟。

簡盧陟

可憐白雪曲。未遇知音人。恓惶戎旅下。蹉跎淮海

濱澗樹含朝雨。山鳥弄餘春。我有六瓢酒。可以慰
風塵。

西澗即事示盧陟

寢扉臨碧澗。晨起淡忘情。空林細雨至。圓文遍水
生。永日無餘事。山中伐木聲。知子塵喧夕。暫可散
煩纓。

發郡寄京師諸季淮南子弟

始罷永陽守。復臥潯陽樓。懸檻飄寒雨。危堞浸江
流。迨茲聞鴈夜。重憶別離秋。徒有盈樽酒。鎮此百

端憂。

寄黃劉二尊師

廬山兩道士。各在一峰居。矯掌白雲表。晞髮陽和
初。清夜降真侶。焚香滿空虛。中有無爲樂。自然與
世疎。道尊不可屈。符守豈暇餘。高齋遙致敬。願示

一編書。

登州贈丘貞外

高詞棄浮靡。貞行表鄉閭。未貞

當作與

南宮拜聊

偃東山居。大藩本多事。日與文章疎。每一覩之子。

高詠遂起予，宵晝方連燕。煩悵亦頓祛，格言雅誨
闕。善謔矜數餘，人跼思遊曠。窮慘遇陽舒，虎丘愜
登眺。吳門悵躊躇，方此戀携手。豈云還舊墟，告諸
英子弟。文學爲何如。

贈李判官

良玉定爲寶，長材時所希。佐幕方巡郡，奏命布恩
威。食蔬程獨守，飲水節靡違。決獄興邦頌，高文稟
天機。賓館在林表，望山啟西扉。下有千畝田，泱泱
吳土肥。始耕已見穫，衫絺今授衣。政拙勞詳省，滯
留未得歸。雖慙且忻願，日夕覩光輝。

寄皎然上人

吳興老釋子，野雪蓋精廬。詩名徒自振，道心長晏
如。想茲棲禪夜，見月東峰初。鳴鐘驚巖壑，焚香滿
空虛。叨慕端成舊，未識豈爲疎。願以碧雲思，方君
怨別餘。茂苑文華地，流水古僧居。何當一遊詠，倚

獨吟躊躇

爲也復理西齋，寄丘負外。前歲理西齋，得與君子同。迨茲已一周，悵望臨春

風始自疎林竹，還復長榛叢。端正良難久，蕪穢易
爲功。援斧開衆鬱，如師啟群蒙。庭宇還清曠，煩惱
亦舒通。海隅雨雪霽，春序風景融。時物方如故，懷
賢思無窮。

和張舍人夜直中書寄吏部以琴書思之
西垣草詔罷，南宮憶上才。月臨蘭殿出，涼自鳳池
來。松桂生丹禁，鴛鴦集雲臺。托身各有所，相望徒
徘徊。

贈上方僧

見月出東山，上方高處禪。空林無宿火，獨夜汲寒
泉。不下藍溪寺，今年三十年。

送李十四山東遊

聖朝有遺逸，披膽謁至尊。豈是貿榮寵，誓將救元
元。權豪非所便，書奏寢禁門。高歌長安酒，忠憤不
可吞。歛來客河洛，日與靜者論。濟世翻小事，丹砂
駐精魂。東遊無復繫，梁楚多大蕃。高論動侯伯，踈
懷脫塵喧。送君都門野，飲我林中樽。立馬望東道，
白雲滿梁園。踟躕欲何贈，空是平生言。

白雲送閻案赴東川辟

水炭俱可懷孰云熱與寒何如結髮友不得携手

歡晨登嚴霜野送子天一端祇承簡書命俯仰豕

角冠上陟白雲嶠下冥玄壑湍離群自有託歷險

得所安當念返窮巷登朝成慨歎

送令狐岫宰恩陽

大雪天地閉群山夜來晴居家猶苦寒子有千里

行行行安得辭荷此蒲壁榮賢豪爭追攀飲餞出

西京樽酒豈不歡暮春自有程離人起視日僕御

促前征透遲歲已窮當造巴子城和風被草木江

水日夜清從來知善政離別慰友生

送馮著受李廣州署為錄事

鬱鬱楊柳枝蕭蕭征馬悲送君灞陵岸斜郡南海

涓名在翰墨場群公正追隨如何從此去千里萬

里期大海吞東南橫嶺隔地維建邦臨日域温燠

御四時百國共臻奏奏當作奏珍奇獻京師富豪虞興

戎繩墨不易持州伯荷天寵還當翊丹墀子為門

下生終始豈見遺所願酌貪泉心不為磷緇上將

翫國士下，以報渴飢。願爾會泉，必不爲難。辭上絲
大。喜於廣陵，拜覲家兄。奉送發還池州，子爲門
青青連枝樹，萋萋久別離。客遊廣陵中，俱到若有
期。俯仰叙存沒，哀腸發酸悲。收情且爲歡，累日不
知飢。夙駕多所迫，復當還歸池。長安三千里，歲晏
獨何爲。南出登閭門，驚飈左右吹。所別諒非遠，要
令心不怡。

錢雍聿之潞州謁李中丞

鬱鬱兩相遇，出門草青青。酒酣拔劍舞，慷慨送子
行。驅馬涉大河，日暮懷洛京。前登太行路，志士亦
未平。薄遊五府都，高步振英聲。主人才且賢，重士
百金輕。絲竹促飛觴，夜讌達晨星。娛樂易淹暮，諒
在執高情。

當與上東門，會送李幼舉南遊。徐方
離絃旣罷彈，罇酒亦已闌。聽我歌一曲，南徐在雲
端。雲端雖云邈，行路本非難。諸侯皆愛才，公子遠
結歡。濟濟都門宴，將去復盤桓。令姿何昂昂，良馬
遠遊冠。意氣且爲別，由來非所歎。

送洛陽韓丞東遊
來非河漢
仙鳥何飄颻，綠衣翠爲襟。
顧我差池羽，咬咬懷好音。
徘徊洛陽中，遊戲清川潯。
神交不在結，歡愛自中心。
駕言忽徂征，雲路邈且深。
朝遊尚同咏，夕息當異林。
出餞宿東郊，列筵屬城陰。
舉酒欲爲樂，憂懷方沉沉。

送鄭長源
少年一相見，飛轡河洛間。
歡遊不知罷，中路忽言還。
泠泠鶻絃哀，悄悄冬夜閑。
丈夫雖耿介，遠別多苦顏。
君行拜高堂，速駕難久攀。
鷄鳴儔侶發，朔雪滿河關。
須臾在今夕，罇酒且循環。

送李儋

別離何從生，乃在親愛中。
及念行路子，拂衣自西東。
日晏不留宴，嚴車出崇墉。
行遊非所樂，端憂道未通。
春野百卉發，清川思無窮。
芳時坐離散，世事誰可同。
歸當掩重關，默默想音容。

留別洛京親友

握手出都門，駕言適京師。
豈不懷舊廬，惆悵與子

辭麗日坐高閣、清觴讌華池、昨遊倏已過、後遇良
未知、念結路方永、歲陰野無暉、單車我當前、暮雪
子獨歸、臨流一相望、零淚忽沾衣、不在結歡愛、自
未、天長寺上方別子西、有道志、却坐華嚴、世事
假色非拙素、况乃別伊人、聊登釋氏居、携手戀茲
晨、高曠出塵表、逍遙滌心神、青山對芳苑、列樹繞
通津、車馬無時絕、行子倦風塵、今當遵往路、佇立
欲何申、唯持貞白志、以慰心所親、

苦、贈別河南李功曹、

耿耿抱私戚、寥寥獨掩扉、臨觴自不飲、况與故人
違、故人方琢磨、瓌朗代所稀、憲禮更右職、文翰灑
天機、聿來自東山、群彥仰餘輝、談笑取高第、綰綬
卽言歸、洛都遊燕地、千里及芳菲、今朝章臺別、楊
柳亦依依、雲霞未改色、山川猶夕暉、忽復不相見、
心思亂霏霏、

景、宴別、

垂闕意方彌、安知忽來翔、累日重歡宴、一旦復離
傷、置酒慰茲夕、秉燭坐華堂、契闊未及展、晨星出

東方征人慘已辭，車馬儼成裝。我懷自無歡，原野
滿春光。群水含時澤，野雉鳴朝陽。平生有壯志，不
覺淚沾裳。况自守空宇，日夕但彷徨。

小思送宣州周錄事

清時重儒士，糾郡屬伊人。薄遊長安中，始得一交
親。英豪若雲集，錢別塞城闔。高駕臨長路，日夕起
風塵。方念清宵宴，已度芳林春。從茲一分手，緬邈
吳與秦。但覩年運駛，安知後會因。唯當存令德，可
以解情勤。

謝櫟陽令歸西郊贈別諸友生

結髮仕州縣，蹉跎在文墨。徒有排雲心，何由生羽
翼。幸遭明盛日，萬物蒙生植。獨此抱微痾，頽然謝
斯職。世道方荏苒，郊園思偃息。爲歡日已延，君子
情未極。驅馳忽云晏，高論良難測。遊步清都宮，迎
風嘉柱。柱當作樹側。晨起西郊道，原野分黍稷。自樂陶
唐人服，勤在微力。佇君列丹陛，出處兩無得。

送端東行復限善辭許舍

世承清白遺，躬服古人言。從宦俱守道，歸來共閉

門驅車何處去暮雪滿平原
始除尚書郎別善福精舍

簡略非世器委身同草木
逍遙精舍居飲酒自爲
足累日曾一櫛對書常懶讀
社臘會高年山川恣
遊矚明世方選士中朝懸美祿
除書忽到門冠帶
便拘束愧忝郎署跡謬蒙君子錄
俯仰垂華纓飄
颻翔輕轂行將親愛別戀此西澗曲
遠峰明夕川
夏雨生衆綠迅風飄野路回首不遑宿
明晨下煙
閣白雲在幽谷

送郗詹事

聖朝列群彥穆穆佐休明
君子獨知止懸車守國
程忠良信舊德文學播英聲
旣獲天爵美况將齒
位并書奏蒙省察命駕乃東征
皇恩賜印綬歸爲
田里榮朝野同稱嘆
園綺鬱齊名長衢軒蓋集
飲
錢出西京時屬春陽節草木已含英
洛川當盛宴
斯焉爲達生

送蘇評事

季弟仕譙都元兄坐蘭省
言訪始欣欣念離當耿

耿嗟峨夏雲起，迢遞山川永。登高望去塵，紛思終難整。

送李侍御益赴幽州幕

二十揮篇翰，三十窮典墳。辭書五府至，名爲四海聞。始從車騎幕，今赴嫖姚軍。契濶晚相遇，草蕪遽離群。悠悠行子遠，眇眇川塗分。登高望燕代，日夕生夏雲。司徒擁精甲，誓將除國氛。儒生幸持斧，可以佐功勳。無言羽書急，坐闕相思文。

自尚書郎出爲滁州刺史

少年不遠仕，秉笏東西京。中歲守淮郡，奉命乃征行。素慙省閣姿，况忝符竹榮。効愚方此始，顧私豈獲并。徘徊親交戀，愴恨昆友情。日暮風雪起，我去子還城。登塗建隼旗，勒駕望承明。雲臺煥中天，龍闕鬱上征。晨興奉早朝，玉露霑華纓。一朝從此去，服膺理庶咍。皇恩儻歲月，歸復廁群英。

春日送元錫楊凌

荒林翳山郭，積水成秋晦。端居意自違，况別親與愛。歡筵慊未足，離燈悄已對。還當掩郡閣，佇君方

此會
送楊氏女
永日方悵悵出門復悠悠女子今有行大江沂輕
舟爾輩况無恃撫念益慈柔幼爲長所育兩別泣
不休對此結中腸義往難復留自小闕內訓事姑
貽我憂賴茲託令門仁恤庶無尤貧儉誠所尚資
從豈待周孝恭遵婦道容止順其猷別離在今晨
見爾當何秋居閒始自遣臨感忽難叙歸來視幼
女零淚綠纓流

送中弟

秋風入疎戶離人起晨朝山郡多風雨西樓更蕭
條嗟子淮海老送子關河遙同來不同去沉憂寧
復消

寄別李儋

首戴惠文冠心有決勝籌翩翩四五騎結束向并
州名在相公墓丘山恩未酬妻子不及顧親友安
得留夙昔同文翰交分共綢繆忽枉別離札涕淚
一交流遠郡臥殘疾涼氣滿西樓想子臨長路時

當淮海秋

送丘貞外還山

長棲白雲表，暫訪高齋宿。還辭郡邑喧，歸泛松江
渌。結茅隱蒼嶺，伐薪響深谷。同是山中人，不知往
來躅。靈芝非庭草，遼鶴委池鶩。終當署里門，一表
高陽族。

重送丘二十二還臨平山居

歲中始再覩，方來又解携。纒留野艇語，已憶故山
溪。幽澗人夜汲，深林鳥長啼。還持郡齋酒，慰子

露婁

送鄭端公弟移院常州

時瞻憲臣重，禮爲內兄全。公程儻見責，私愛信不
憊。況昔陪朝列，今茲俱海壖。清觴方對酌，天書忽
告遷。豈徒咫尺地，使我心思綿。應當自此始，歸拜
雲臺前。

送陸侍御還越

居藩久不樂，遇子聊一欣。英聲頗籍甚，交辟乃時
珍。繡衣過舊里，驄馬輝四鄰。恭敬尊郡守，殘簡具

州民謬忝誠所媿，恩懷方見申。置榻宿清夜，加籩
讌良辰。遵途還盛府，行舫統長津。自有賢方伯，得
此文翰賔。

送崔叔清遊越

忘茲適越意，愛我郡齋幽。野情豈好謁，詩興一相
留。遠水帶寒樹，閨門望去舟。方伯憐文士，無爲成
滯遊。

送雲陽鄒儒立少府侍奉還京師

建中即藩守，天寶爲侍臣。歷觀兩都士，多閱諸侯
人。鄒生乃後來，英俊亦罕倫。爲文頗瓌麗，稟度自
貞醇。甲科推令名，延閣播芳塵。再命趨王畿，請告
奉慈親。一鍾信榮祿，可以展歡欣。昆弟俱時秀，長
衢當自伸。聊從郡閣暇，美此時景新。方將極娛宴，
已復及離辰。省署慙再入，江海綿十春。今日闔門
路，握手子歸秦。

韋蘇州詩集卷之三終

草蕪陸陸菁美卷之三

良辰遵途

此文之類

亂野平于龍氣

已對以辨氣清異

蘭香自外味到荷閣

奉燕賦一醜計榮

貞朝甲採卦令

人傑出天

蘇州詩集卷之四

五言古

大送豆盧策秀才

歲交冰未泮地卑海氣昏

門新黃含遠林微綠生陳根

憂煩古來濩落者俱不事田園

知音言方辭郡齋楊為酌離亭

去高飛翻

送劉評事

聲華滿京洛，藻翰發陽春。未遂鵷鴻舉，尚爲爲當

作焉

江海濱。吳中高宴罷，西上一遊秦。已想函關道，遊子冒風塵。籠禽羨歸翼，遠守懷交親。况復歲云暮，凜凜冰霜辰。旭霽開郡閣，寵餞集文人。洞庭摘朱實，松江獻白鱗。丈夫豈恨別，一酌且歡忻。

送雷監赴關庭

才大無不備，出入爲時須。雄藩精理行，祕府擢文儒。詔書忽已至，焉得久踟躕。方舟赴朝謁，觀者盈路衢。廣筵列衆賓，送爵無停盃。攀餞誠愴恨，賀榮

且歡娛。長陪柏梁宴，日向丹墀趨。時方重石職，嗟跼獨海隅。

酬盧嵩秋夜見寄五韻

喬木生夜涼，月華滿前墀。去君咫尺地，勞君千里思。素秉棲遁志，况貽招隱詩。坐見林木榮，願赴滄洲期。何能待歲晏，攜手當此時。

酬鄭戶曹驪山感懷

蒼山何鬱盤，飛閣凌上清。先帝昔好道，下元朝百靈。白雲已蕭條，麋鹿但縱橫。泉水今尚暖，舊林亦

青青我念綺襦歲。扈從當太平。小臣職前驅。馳道
出灞亭。翻翻日月旗。殷殷鞞鼓聲。萬馬自騰驤。八
駿按轡行。日出烟嶠綠。氛氳麗層甍。登臨起遐想。
沐浴歡聖情。朝燕詠無事。時豐賀國禎。日和絃管
音。下使萬室聽。海內湊朝貢。賢愚共歡榮。合沓車
馬喧。西聞長安城。事往世如寄。感深迹所經。申章
報蘭藻。一望雙涕零。

酬李儋

開門臨廣陌。旭旦車駕喧。不見同心友。徘徊憂且

煩。都城二十里。居在良與坤。人生所各務。乖濶累
朝昏。湛湛樽中酒。青青芳樹園。緘情未及發。先此
枉璵璠。邁世起高躅。尋流得真源。明當策疲馬。與
子同笑言。

酬元偉過洛陽夜燕

三載寄關東。所懽皆遠違。思懷方耿耿。忽得觀容
輝。親燕在良夜。歡携闢中圍。圍當作闈問我猶杜門。不
能奮高飛。明燈高四隅。炎炭正可依。清觴雖云酌。
所媿乏珍肥。晨裝復當行。寥落星已稀。何以慰心

曲竹子西還歸

酬韓質舟行阻凍

晨坐枉嘉藻持此慰寢興中獲辛苦奏長河結陰
冰皓曜群玉發淒清孤景凝至柔反成堅造化安
可恒方舟未得行鑿飲空兢兢苦寒彌時節待泮
豈所能何必涉廣川荒衢且升騰殷勤宣中意庶
用達吾朋

李博士弟以余罷官居同德精舍共有伊陸
名山之期久而未去枉詩見問中云宋生昔

登覽未云那能顧蓬華直書鄙懷聊以爲荅
初夏息衆緣雙林對禪客枉茲芳蘭藻促我幽人
策冥搜企前哲逸句陳往迹髣髴陸渾南迢遞千
峰碧從來遲高駕自顧無物役山水心所娛如何
更朝夕晨興涉清洛訪子高陽宅莫言往來疎鴛
馬知阡陌

荅李博士

休沐去人遠高齋出林杪晴山多碧峰顯氣疑秋
曉端居喜良友枉使千里路緘書當夏時開緘時

蘇州集 卷之四
已度簷籬已颯颯。荷露方蕭颯。遠竹窓幽行稀。
蘭徑合。舊居共南北。往來只如昨。問君今爲誰。日
夕度清洛。

答劉西曹

公館夜云寂。微涼群樹秋。西曹得時彥。華月共淹
留。長嘯舉清觴。志氣誰與儔。千齡事雖邈。俯念忽
已周。篇翰如雲興。京洛頗優遊。論文不獨古。理妙
卽同流。淺劣見推許。恐爲識者尤。空慙文璧贈。日
夕不能酬。

答貢士黎逢

茂等方上達。諸生安可希。栖神澹物表。渙汗布令
詞。如彼崑山玉。本自有光輝。鄙人徒區區。稱嘆亦
何爲。彌月曠不接。公門但馳驅。蘭章忽有贈。持用
慰所思。不見見心尚密。况當相見時。

答韓庫部

良玉表貞度。麗藻頗爲工。名列金閨籍。心與素士
同。日晏下朝來。車馬自生風。清宵有佳興。皓月直
南宮。矯翮方上征。顧我邈忡忡。豈不願攀舉。執事

府庭中智乖時亦蹇才大命有通還當以道推解
組守蒿蓬

苔崔主簿倬
朗月分林靄遙管動離聲故驩良已阻空宇澹無
情窈窕雲鴈沒蒼茫河漢橫蘭章不可苔冲襟徒
自盈

苔徐秀才

鉛鈍謝貞器時秀猥見稱豈如白玉仙方與紫霞
升清詩舞艷雪孤抱瑩玄冰一枝非所貴懷書思

武陵

苔長寧令楊轍

皓月升林表公堂滿清輝嘉賓自遠至觴飲夜何
其宰邑視京縣歸來無寸資瓌文溢衆寶雅正得
吾師廣川含澄瀾茂樹擢華滋短才何足數枉贈
媿妍詞歡晤良見屬素懷亦已披何意雲栖翰不
嫌蓬艾卑但恐河漢沒回車首路岐

晨坐枉瓊藻知子返中林淡然山景晏泉谷響幽

禽。髣髴謝塵跡。逍遙舒道心。顧我腰間綬。端爲華
髮侵。簿書勞應對。篇翰曠不尋。薄田失鋤耨。生苗
安可任。徒令慙所問。想望東山岑。
駭飛。荅崔主簿問兼簡溫上人。如何意氣醉錦衣。
緣情生衆累。晚悟依道流。諸境一已寂。了將身世
浮。閑居澹無味。忽復四時周。靡靡芳草積。稍稍新
篁抽。卽此抱餘素。塊然誠寡儔。自適一忻意。愧蒙
君子憂。

清都觀荅幼遐

逍遙仙家子。日夕朝玉皇。與高。清露沒。渴飲瓊華
漿。解組一來欵。披衣拂天香。粲然顧我笑。綠簡發
新章。泠泠如玉音。馥馥若蘭芳。浩意坐盈此。月華
殊未央。却念誼譁口。何由得清涼。疎松抗高殿。密
竹陰長廊。榮名等糞土。攜手隨風翔。
善福精舍荅韓司錄清都觀會宴見憶

弱志厭衆紛。抱素寄精廬。皦皦仰時念。悶悶獨爲
愚。之子亦辭秩。高蹤罷馳驅。忽因西飛禽。贈我以
瓊琚。始表仙都集。復言歡樂殊。人生各有因。契濶

不獲俱一來。田野中日與人事疎。水木澄秋景。逍遙清賞餘。枉駕懷前諾。引領豈斯須。無爲便高翔。邈矣不可迂。

答長安丞裴詒同給事陪贈會宴具別

出身忝時士。於世本無機。爰以林壑趣。遂成頑鈍姿。臨流意已斐。采菊露未晞。舉頭見秋山。萬事都若遺。獨踐幽人蹤。邈將親友違。髦士佐京邑。懷念枉貞詞。久雨積幽抱。清樽宴良知。從容操劇務。文翰方見推。安能戢羽翼。顧此林栖時。

奉酬處士叔見示

掛纓守貧賤。積雪臥郊園。叔父親降趾。壺觴携到門。高齋樂燕罷。清夜道心存。卽此同疏氏。可以一忘言。

答庫部韓郎中

高士不羈世。頗將榮辱齊。適委華冕去。欲還幽林栖。雖懷承明戀。欣與物累睽。逍遙觀運流。誰復識端倪。而我豈高致。偃息平門西。愚者世所遺。沮溺共耕犁。風雪積深夜。園田掩荒蹊。幸蒙相思札。欵

曲期見攜

荅暢校書當

偶然弃官去，投跡在田中。日出照茅屋，園林養愚蒙。雖云無一資，樽酌會不空。且欣百穀成，仰嘆造化功。出入與民伍，作事靡不同。時伐南澗竹，夜還澧水東。貧寒自成退，豈爲尚高蹤。覽君金玉篇，彩色發我容。欲爲報方春，已徂冬。

澧上精舍荅趙氏外甥伉

遠跡出塵表，寓身雙樹林。如何小子伉，亦有超世

心。擔書從我遊，攜手廣川陰。雲開夏郊綠，景晏青山沉。對榻遇清夜，獻詩合雅音。所推苟禮數，於性道豈深。隱拙在冲默，經世昧古今。無爲率爾言，可

荅端

郊園夏雨歇，閑院綠陰生。職事方無効，幽賞獨違情。物色坐如見，離抱悵多盈。况感夕涼氣，聞此亂

蟬鳴

荅王郎中

臥閣枉芳藻。覽旨悵秋晨。守郡猶羈寓。無以慰嘉賓。
野曠歸雲盡。天青曉露新。池荷涼已至。窓梧落漸頻。
風物殊京國。邑里但荒榛。賦繁屬軍興。政拙媿斯人。
髦士久臺閣。中路一漂淪。歸當列聖朝。豈念臥淮濱。

答崔都水

亭亭心中人。迢迢居秦關。常緘素札去。適枉華章還。
憶在灋郊時。攜手望秋山。久嫌官府勞。初喜罷秩閑。
終年不事業。寢食長慵頑。不知爲時來。名籍

掛郎間。攝衣辭田里。華簪耀頽顏。卜居又依仁。日夕正追攀。
牧人本無術。命至苟復遷。離念積歲序。歸途眇山川。
郡齋有佳月。園林含清泉。同心不在宴。樽酒徒盈前。
覽看陳迹遊。詞意俱悽妍。忽忽已終日。將酬不能宣。
昨稅况重疊。公門極熬煎。責逋其自免。歲晏當歸田。
勿厭守窮轍。慎爲名所牽。

荅裴丞說歸京所獻

執事頗勤久。行去亦傷垂。家貧無僮僕。使卒升寢齋。
衣服藏內篋。藥草曝前階。誰復知次第。濩落且

安排還期在歲晏，何以慰吾懷。

荅裴處士

遺民愛精舍，乘犢入青山。來署高陽里，不遇白衣
還。禮賢方化俗，聞風自欵關。况子逸群士，栖息蓬
蒿間。

荅楊奉禮

多病守山郡，自得接嘉賓。不見三四日，曠若十餘
旬。臨觴獨無味，對榻已生塵。一詠舟中作，灑雪忽
驚新。烟波見樓旅，景物具昭陳。秋塘唯落葉，野寺

不逢人。白事廷吏簡，閑居文墨親。高天池閣靜，寒
菊霜露頻。應當整孤棹，歸來展殷勤。

荅閔奴重陽二甥

棄職曾守拙，翫幽遂忘喧。山澗依磽壑，竹樹蔭清
源。貧居烟火濕，歲熟梨棗繁。風雨飄茅屋，蒿草沒
瓜園。群屬相歡悅，不覺過朝昏。有時看禾黍，落日
上秋原。飲酒任真性，揮筆肆狂言。一朝忝蘭省，三
載居蓬藩。復與諸弟子，篇翰每相敦。西園休習射，
南池對芳樽。山藥經雨碧，海榴凌霜翻。念爾不同

此悵然復一論重陽守故家。個子旅湘沅，俱有緘中。藻惻惻動離魂，不知何日見。衣上淚空存。

荅重陽

省劄陳往事，愴憶數年中。一身朝北闕，家累守田農。望山亦臨水，暇日每來同。性情一疎散，園林多清風。忽復隔淮海，夢想在澧東。病來經時節，起見秋塘空。城郭連榛嶺，鳥雀噪溝叢。坐使驚霜鬢，撩亂已如蓬。

酬劉侍郎使君

瓊樹凌霜雪，葱蒨如芳春。英賢雖出守，本自玉階人。宿昔陪郎署，出入仰清塵。孰云俱列郡，比德豈爲隣。風雨飄海氣，清涼悅心神。重門深夏晝，賦詩延衆賓。方以歲月舊，每蒙君子親。繼作郡齋什，遠贈荆山珍。高閑庶務理，遊眺景物新。朋友亦遠集，燕酌在佳辰。始唱已慙拙，將酬益難伸。濡毫意僣勉，一用寫情勤。

荅令狐侍郎

一凶乃一吉，一非孰能逃。斯理亮在識，其

微三黜故無愠，高賢當庶幾。但以親交戀，音容邈
難希。况惜別離久，俱忻藩守歸。朝宴方陪側，山川
又乖違。吳門冒海霧，峽路凌連磯。同會在京國，相
望涕沾衣。明時重英才，當復列彤闈。白玉雖塵垢，
拂拭還光輝。

酬張協律

昔人鬻春地，今人復一賢。屬余藩守日，方君外
年。麗思阻文宴，芳蹤闕賓筵。經時豈不懷，欲往
事屢牽。公府適煩倦，開緘瑩新篇。非將握中寶，何以

比其妍。感茲棲寓詞，想復痾瘵纏。空宇風霜交，幽
居情思綿。當以貧非病，孰云白未玄。邑中有其人，
憔悴卽我愆。由來牧守重，英俊得薦延。匪人等鴻
毛，斯道何由宣。遭時無早晚，蘊器俟良緣。觀文心
未衰，勿藥疾當痊。晨期簡牘罷，馳慰子冲然。

奉和聖製重陽日賜宴

聖心憂萬國，端居在穆清。玄功致海晏，錫讌表文
明。恩屬重陽節，雨應此時晴。寒菊生池苑，高樹出
宮城。捧藻千官處，垂戒百王程。復覩開元日，臣愚

獻頌聲，萬千言或垂於百王，野於時時開示，日習思
和吳舍人早春歸沐西亭言志，欲飲高樹出
曉漏戒中襟，清香肅朝衣。一門雙掌誥，伯侍仲言
歸。亭高性情曠，職密交遊稀。賦詩樂無事，解帶偃
南扉。陽春美時澤，旭霽望山暉。幽禽響未轉，東原
綠猶微。名雖列仙爵，心已遣塵機。卽事同巖隱，聖
渥良難違。

答河南李士巽題香山寺

洛都游宦日，少年携手行。投杯起芳席，總轡振華

纓。關塞有佳氣，巖開伊水清。攀林憇佛寺，登高望
都城。蹉跎二十載，世務各所營。茲賞長在夢，故人
安得并。前歲守九江，恩召赴咸京。因塗再登歷，山
河屬晴明。寂寞僧侶少，蒼茫林木成。墻宇或崩剝，
不見舊題名。舊遊况存沒，獨此淚交橫。交橫誰與
同，書壁貽友生。今茲守吳郡，綿思方未平。子復經
陳迹，一感我深情。遠蒙惻愴篇，中有金玉聲。反覆
終難荅，金玉尚爲輕。

荅故人見諭

素寡名利心，自非周圓器。徒以歲月資，屢蒙藩條寄。時風重書札，物情敦貨遺。機杼十縑單，慵疎百函愧。常負交親責，且爲一官累。况本濩落人，歸無置錐地。省己已知非，枉書見深致。雖欲效區區，何由枉其志。

酬閻員外陟

寒夜阻良覲，叢竹想幽居。虎符予已誤，金丹子何如。讌集觀農暇，笙歌聽訟餘。雖蒙一言教，自愧道情疎。

長安遇馮著

客從東方來，衣上灞陵雨。問客何爲來，采山因買斧。冥冥花正開，颺颺鷺新乳。昨別今已春，鬢絲生幾縷。

廣陵遇孟九雲卿

雄藩本帝都，遊士多俊賢。夾河樹鬱鬱，華館千里連。新知雖滿堂，中意頗未宣。忽逢翰林友，歡樂斗酒前。高文激頽波，四海靡不傳。西施且一笑，衆女安得妍。明月滿淮海，哀鴻逝長天。所念京國遠，我



26495